

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 186. sjednici, održanoj 09.10.2014. godine, d o n o s i

ZAKLJUČAK

I.

Daje se saglasnost za zaključenje predloženog Sporazuma o zajedničkom postupanju u organizaciji instruktivne nastave za učenike osnovne škole sa područja naseljenog mjesta Vrbanjci-Kotor Varoš, za školsku 2014/2015. godinu, između Vlade Federacije Bosne i Hercegovine i resornih ministarstava i Vlade Zeničko-dobojskog kantona i Ministarstva za obrazovanje, nauku, kulturu i sport, broj: 10-38-18982/14. od 30.09.2014. godine, a koji se prilaže uz ovaj zaključak i smatra njegovim sastavnim dijelom.

II.

Za realizaciju ovog zaključka zadužuju se Premijer Vlade Zeničko-dobojskog kantona, Ministarstvo za obrazovanje, nauku, kulturu i sport i Ministarstvo finansija, svako u okvirima svojih nadležnosti.

III.

Zaključak stupa na snagu danom donošenja.

Broj: 02-_____/14

Datum, 09.10.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured Premijera,

1x Stručna služba Vlade,

1x Ministarstvo za obrazovanje, nauku, kulturu i sport ZDK,

1x Vladi Federacije BiH, (premijeru Vlade), putem ministarstva,

1x a/a.

PRIJEDLOG

1. **Vlada Federacije Bosne i Hercegovine koju zastupa premijer Nermin Nikšić, Federalno ministarstvo obrazovanja i nauke koje zastupa ministar Damir Mašić i Federalno ministarstvo raseljenih osoba i izbjeglica koje zastupa ministar Adil Osmanović, i**
2. **Vlada Zeničko-dobojskog kantona, koju zastupa premijer Munib Husejnagić i Ministarstvo za obrazovanje, nauku, kulturu i sport koje zastupa ministar Mirko Trifunović /u daljem tekstu strane potpisnice/ zaključili su:**

SPORAZUM O ZAJEDNIČKOM POSTUPANJU U ORGANIZACIJI INSTRUKTIVNE NASTAVE ZA UČENIKE OSNOVNE ŠKOLE SA PODRUČJA NASELJENOG MJESTA VRBANJCI-KOTOR VAROŠ, ZA ŠKOLSKU 2014/2015 GODINU

Član 1. (Predmet Sporazuma)

Ovim sporazumom, strane potpisnice su se sporazumjele o daljem, zajedničkom i koordiniranom načinu postupanja u namjeri osiguranja svih neophodnih uvjeta u organizovanju instruktivne nastave za učenike osnovne škole sa područja naseljenog mjesta Vrbanjci-Kotor Varoš, te rješavanja svih pratećih aktuelnih pitanja iz segmenta nesmetane realizacije ostvarivanja mogućnosti prava za nastavak redovnog osnovnog obrazovanja u tekućoj školskoj godini.

Član 2. (Obaveze strana potpisnica)

- (1) Vlada F BiH, obavezuje se da će prioriteto osigurati neophodna finansijska sredstva iz sredstava «Tekuće rezerve Vlade Federacije» iz Budžeta Federacije Bosne i Hercegovine za 2014. godinu za redovne isplate plaća i pripadajućih naknada angažovanom nastavnom osoblju, prijevoz učenika od mjesta stanovanja do škole, kao i osiguranja jednog dnevnog obroka za učenike, i to za prvo polugodište školske 2014/2015. godine. Istovremeno će Vlada F BiH iz sredstava «Tekuće rezerve Vlade Federacije» iz Budžeta Federacije Bosne i Hercegovine za 2014. godinu izdvojiti neophodna sredstva za adekvatno opremanje prostorija na području Vrbanjaca za realizaciju instruktivne nastave.
- (2) Federalno ministarstvo obrazovanja i nauke se obavezuje da će iz sredstava „Transfera za finansiranje obrazovanja“ Budžeta Federacije Bosne i Hercegovine za 2015. godinu osigurati neophodna sredstva za redovne isplate plaća i pripadajućih naknada angažovanom nastavnom osoblju, i to za drugo polugodište školske 2014/2015. godine.
- (3) Federalno ministarstvo raseljenih osoba i izbjeglica se obavezuje da će iz sredstava vlastitih tekućih transfera Budžeta Federacije Bosne i Hercegovine za 2015. godinu osigurati neophodna sredstva za prijevoz učenika od mjesta stanovanja do škole, kao i osigurati sredstva za finansiranje jednog dnevnog obroka za učenike, i to za drugo polugodište školske 2014/2015. godine.
- (4) Vlada Zeničko-dobojskog kantona i resorno ministarstvo se obavezuju da će pristupiti izradi prijedloga Operativnog plana koji će sadržavati detaljan opis načina organizovanja instruktivne nastave iz člana 1. Sporazuma, uključujući i potrebni broj radno-angažovanog stručnog osoblja, osiguranja neophodne koordinacije svih pratećih aktivnosti poput izvođenja, odnosno rasporeda časova instruktivne nastave, prihvatljivih modela nadoknade nastave, izdavanja prateće školske dokumentacije, pripreme razrednog, odnosno završnog ispita, a sve u skladu sa savremenim pedagoškim principima i standardima obrazovne prakse sa ciljem postizanja kvalitetnih ishoda učenja po svim predmetima-nastavnim sadržajima.

- (5) Vlada Zeničko-dobojskog kantona se obavezuje da će se za realizaciju obaveza iz prethodnog stava ovog člana, opredijeliti JU Osnovna škola „1 MART“ Jelah u općini Tešanj, koja je geografski najbliža naseljenom mjestu Vrbanjci, kao područja sa kojeg dolaze učenici osnovnoškolskog uzrasta, i koja će u skladu sa članovima 49. i 50., Zakona o osnovnoj školi („Službene novine ZDK-a“, broj: 05/04, 20/07, 9/11 i 04/14), organizovati adekvatnu instruktivnu nastavu.
- (6) Strane potpisnice se ujedno obavezuju da će zajedničkim nastupom, uključujući i javne istupe i medijsku komunikaciju, usaglašeno postupati sa ciljem stvaranja svih neophodnih uvjeta za potpunu realizaciju odredbi ovog sporazuma.
- (7) Strane potpisnice su se usaglasile da će zajednički tumačiti sve odredbe ovog sporazuma, uključujući i načine njihove realizacije a da će sva eventualno neriješena pitanja biti obuhvaćena dodatnim usaglašavanjima, odnosno dodatnim sporazumom.
- (8) Ovaj sporazum se zaključuje u pet istovjetnih primjeraka od kojih sva strana potpisnica zadržava po jedan primjerak.

Član 3.
(Stupanje na snagu)

Sporazum stupa na snagu danom potpisivanja od strana potpisnica uz prethodno pribavljene saglasnosti Vlade Federacije BiH i Vlade Zeničko-dobojskog kantona i bit će objavljen na službenoj web-stranici Zeničko-dobojskog kantona.

Za Vladu Federacije BiH

PREMIJER
Nermin Nikšić

Broj:

MINISTAR
Damir Mašić

Broj:

MINISTAR
Adil Osmanović

Broj:

Za Vladu ZE-DO kantona

PREMIJER
Munib Husejnagić, dipl.ing. maš.

Broj: 10-38-18982/14.
Zenica, 30.09.2014. godine

MINISTAR
Mirko Trifunović